

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

子部
第八九冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

21379/07

四庫全書存目叢書·子部八九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 50 印張

1995 年 9 月第 1 版 1995 年 9 月第 1 次印刷

印數 1-100

ISBN 7-5333-0478-0

Z·27 子部定價：78300 圓

子部第八九冊目次

子部·雜家類

鴻苞四十八卷(二)

〔明〕屠隆撰
天津圖書館藏明萬曆三十八年茅元儀刻本

.....
一

鴻苞四十八卷(二)

〔明〕屠隆撰

天津圖書館藏明萬曆三十八年茅元儀刻

本

鴻苞 卷之七

明東海屠隆撰

西吳茅元儀公選訂

從孫屠允符冷玄校

古今風俗

談者謂方今風俗姪靡甚於前代余曰不然考秦漢魏晉隋梁唐宋元季君臣宣姪豪右騎汰宮室車騎衣服飲食器用聲伎僕妾讌會田獵之盛至

鴻苞

卷之七

古今風俗

一

於無有紀極而淫縱洩蕩破義踰檢之事亦往往遠於人道之外方今法律甚嚴清議更重人矜名節家遵繩檢衣稍華則市駭行稍僻則巷議即有一二汰而不檢者尚知懼法畏議而不敢大肆君如二世隋煬臣如梁冀似道士如杜牧元禎民如廣漢元寶近世皆無之則以我太祖高皇帝蕩滌腥穢改闢乾坤規模宏遠氣脉深厚二百餘年來易澆漓為敦龐昭代人物理學性命氣節文章

之士雲蒸霞蔚往往足以籠罩今古師模後代不
爲不盛矣余所不滿於今之士大夫者在有町畦
機械飾類匿情然觀前代之機險抑又甚焉漢唐
而下無論卽如春秋戰國之時以智相角以巧相
傾自昔已然固未可獨歸咎於今時末流之趨也
余又見方今士大夫秉素心執玄德以游於鴻蒙
之鄉者亦尚不少此又維持世道人心之砥柱豈
徒自了其道作辟支獨覺之禪乎

鴻苞

卷之七

古今氣谷

二

一五五

世降

今士大夫之持清議賤風流類宋人道學而內行
不備今士大夫之輕譴罰好直言類東海氣節而
立名非真此世道之所以降也

鴻苞

卷之七

世降

三

六十一

浮巧

甚矣人之好附而趨利也史言漢武帝好神仙海上燕齊迂怪之士爭搃腕言有神仙近世為甚當塗好趨奉則爭媚色軟語嚙啗奔走以進當塗好財貨則爭輿金輦玉納賂通賄以進當塗好道學則爭寬衣博帶繩趨尺步聚徒結社高談性命以進當塗好佛老則爭言泥洹羽化虛無空寂機鋒玄解飾有道氣象以進當塗好功名則爭譚黃石

鴻苞

卷之七

浮巧

四

三

素書五兵三略攘臂請纓東征夷北討虜作英雄面孔以進當塗好簡朴則爭敝車羸馬麤衣糲食內或多慾外示清真以進當塗好詞賦則爭誇雕龍繡虎人懷寸珠家藏片玉握管函牘以進水石幸投椒蘭遂總因緣梯媒獵取榮利一旦時移事改大謬不然矣見貪婪饕餮者得利則不羞以身為溝壑黃昏閉戶白晝攫人擾擾熙熙有同牙儂見清潔介特者得利則麾斥問遺訐首筐篋矯亢

詭激始立名高而徐收其厚利及一旦鼎窳誰無耳目人可欺乎見建言者泰山北斗位望隆赫則脂韋而效薑桂軟曲而勉骨鯁爭伏闕陳言犯顏批鱗冀得一嚴譴而去淒涼一時榮華無已是何此時龍比之多耶劉向與欽永同朝劉蕡與李栖楚共列魚龍珉玉濁而不可復辯世道人情日趣浮巧可歎矣

鴻苞

卷之七

浮巧

五

三

化俗

南人習舟北人習馬秦晉壯悍楚越機鬼蠻方椎
吉吳人文身俗不同也故聖人有化俗有因俗箕
子封於朝鮮而朝鮮有禮秦伯居於句吳而句吳
尚文孔子為政而慎潰氏出其妻沈猶氏不晨飲
其羊化俗也孔子之宋章甫之魯逢掖禹適裸國
解衣而入衣帶而出因俗也俗不可卒化姑先因
之久之則化矣既不能化又不能因而矯之則亂
鴻苞

卷之七

木

吏治

甚矣吏治之難核也瑕瑜隨乎毀譽毀譽根乎愛
憎如其愛而譽之也嚴刻則曰精明選奕則曰仁
厚疎懶則曰簡靜躁擾則曰任事剛愎則曰勁直
媿惻則曰恭謹遲鈍則曰有度儇狡則曰有才鄙
陋則曰朴忠決蕩則曰倜儻又或曲護其短而別
求其所長如其惡而毀之也精明則曰刻核長厚
則曰懦緩安靜則曰廢惰任事則曰煩擾勁正則

鴻苞

卷之七

七

曰剛傲高朗則曰疎闊端嚴則曰迂腐清廉則曰
矯激豁達則曰疎放細謹則曰狹陋為善則曰好
名又或掩蔽其長而文致其所短美惡在其轉移
好醜視其唇舌黑白雖欲不混淆不可得也余嘗
貽書友人曰兄清白吏勤心苦行不減陸續吳隱
之乃以愜愾無華七年不遷見世之貪婪狡猾者
家已猗頓身仍大官嗟乎當事者奈何忽諸夫鑑
惟空也而後須毛不混矣衡惟平也而後銖銖不

可
爽矣在上者欲旌別吏治必先自清心寡慾而後

鴻苞

卷之七

八

核實

人之才有深沉厚重有英敏捷速深沉厚重者其德宏遠其器鎮定退然常不欲爲天下先而當機應變不動聲色夫是之謂上善而中庸之徒亦往往逃焉淺中輕慮之夫遇事風生漫無成筭至浮佻矣而英雄快士忼慨立斷世之推魯者亦必以輕俊詆之是烏可不辨哉夫所謂深沉厚重者當其無事時凝然不動機來變起駛于風雨捷于激矢矣若内存懼怯而外託沉重已則無能而自號省事不爲善亦不爲惡事關國家之成敗者退不敢任而曰吾不好名係一身之利害者尺寸而計之而曰吾不爲禍首脂韋澳忍而文以溫恭厚貌深情而目爲沉靜徼天之幸終身福澤當時盛德之稱歸焉此亦可謂之深沉厚重乎英雄快士明爽洞達則類于淺露英毅神敏則近于輕揚砥志好修有似近名勇於赴義有似喜事不知害人

鴻苞

卷之七

核實

九

言

淺露而心迹之皦如天日者亦謂之淺露乎薄夫
輕揚而機事之貴于立斷者亦謂之輕揚乎好修
則以爲近名名苟不好何不可爲然君子之爲善
豈必皆爲名爲名者宵人也勇于赴義則以爲喜
事赴義不勇則天下之事誰當復任之乎大都善
人吉士好善樂義自其天性有大利害不計而何
計區區之小名遇事風生當機立斷而其先必有
沉思其中必有遠識固非一無所主而孟浪爲者
鴻苞

宋之七

改質

十

二二七七

務真

古者文章氣節經濟性命之士如鳳毛麀角寥寥
哉代不數人當今之世綜詩文則曹劉接踵徵氣
節則龍比連肩語經濟則人人管簫譚性命則家
家孔老是何今日之氣化反盛於往時也嗟乎古
人多本色今人多贗物古人務其內今人務其外
甫操筆伊吾氣盈趾高乘鉞登壇日無先詰偶嬰
逆鱗逢怒得謹沾沾自滿滿面皆龍比人物以爲
鴻苞

宋之七

務真

十一

二二七七

古今人不相及

古人仕宦則食祿罷官則歸畊此常事耳蓋不獨清德之士為然必都將相立功名乃或有厚產如房瑄楊綰裴休李沆范仲淹趙抃司馬光雖為相猶然清約如寒士今士大夫一登仕籍轉盼富盛良田華屋僮奴百千習以為常不為深怪利厚官高則是能品寒儉有官猶免姍笑公廉翫髒官與利兩喪則稱大拙妻孥尤之親朋笑之殆無以自

鴻苞

卷之七

古今人不相及

七

一五八

託於鄉里自非天挺孤標鮮不從風而靡矣古今之人不相及一至於此有志者為之於邑

風靡

選奕柔滑近於溫厚常得人緣而天道不與孤高峻潔一塵不染常合天道而人情多忤故胡廣馮道榮祿終身夏馥范滂坎軻沒世嗟乎廣也道也一時榮豔萬古淒涼覆乎滂乎半晌摧殘千秋景仰而闢茸庸夫往往以啞嚙尊沓闔媚逢時位高身泰陰及妻孥平居摸腹掀髯津津得意世人見其如此自非百鍊之剛有不隨風而靡者歟矣

鴻苞

卷之七

七

知人

余嘗見世人好以一節而雌黃人物驟聞片語而定執品衡斯皆不虛心之過也語云人固不易知知人亦不易以帝堯之神聖而不知伯鯨以晏嬰之淵穎而不知仲尼以延陵之卓識而不知披裘以崔浩之淹朗而不知高允且晏子大賢人也崔杼之難誓死曲鈞相國之尊甘心湫隘狐裘服以三十年待舉火者周於九族達興亾之幾於陳氏

鴻苞

卷之七

又十一

知一

悟消息之理於爽鳩辭命足以親隣謀謨足以保國高介足以拔俗雅素足以完真生平嘉言善行可稱者多矣而孔子獨取其善與人交之一節豈晏子可齒之實止此邪抑縱跡遠迹不盡聞也知人之難如此嗟乎鑑有昏明本之皮相之目則失真情有愛憎索之萋非之口則多枉人終身砥行而吾欲悉之几席之片言人闔戶銷聲而吾欲得之道路之浮語鮮不謬矣夫胎禽戢黑翼於尾元

晦誤以為尾黑螭八足二螯蔡謨誤以為蟹物之皮毛猶難相也而況人之精神心術乎今之海內名賢甲以為鳳乙以為梟朝采一人之言夷齊暮采一人之言蹠躄或賓客滿座月旦盈庭而雌黃互異臧否人殊狐裘蒙茸何所適從乎人之託生於悠悠之舌端難不難矣請從此絕口不復譚掩耳不復聽有志之士密砥潛修何問人知以俟天監

鴻苞

卷之七

前四

知二

相人

余閒讀吳立夫韓斬王花園老卒歌云斬王手種
 紅錦花十載不掛鐵鈕鍛花園老卒守花樹睡著
 花磚聞曙雅白頭白盡身無事古塞沙場戰餘騎
 多士如雲足健兒一奇在腹終憔悴青銅萬緡滿
 地光寶函矯飾賜夷王官粧粉豔去酣酒海貨珠
 琛歸壓檣王家舍兒驚吐舌御府珊瑚碎飛雪口
 猶乳臭却帳前矍鑠一翁嗟棄捐君不見天下英

鴻苞

卷七

相人

古

守園老卒髮髮短白日閒就花陰眠蕉鹿呦呦蝶
 栩栩石頭為枕苔為氈黑甜正熟履碁響王來蹴
 起始矍然頭顱若此隙駒過長日如何只高卧相
 公勿輕灌園人渭濱垂釣淮陰餓龍泉補履鎌刈
 葵閒却英雄無事做王歎此叟何氣豪與爾十萬
 金錯刀青雀樓船貫月上紅牙歌吹遏雲高少女
 如花雜質從鬢鬆白髮照錦袍口銜巨羅海霧捲
 手揮如意江風騷酒酣指點挂帆去鳴笳疊鼓凌

鴻苞

卷七

相人

古

子達人其識宏遠矣猶以皮相失披裘庸渠知花
陰老卒乃英雄乎曹公貌寢崔季珪儻若天人乃
夷使英雄之目不歸季珪而屬牀頭捉刀者此使
可謂不皮相顧反勝季子耶太公方困鼓刀妻尚
不能知而求去西伯得之猶賴卜耳武丁得說則
以夢帝亦謂相人難也毛遂不脫穎平原門衆人
畜之固也廝養卒不御兩賢王歸終身廝養哉淮
陰擊絮媪徒哀王孫飢耳未必知王孫千金之報

鴻苞

卷之七

相人

七

酬一飯可也丈夫顯則炎炎晦則寂寂李左車智
能使信却不敢前信滅楚王齊功燦天壤左車謀
適不用動烈卒無聞焉安期生若遇隆準公英略
詎在子房下徐洪客儻周旋文皇藥師不足道也
世民時又有丹霞子魏先生並負異人才知天命
屬太原汶汶而去至今人無能舉其姓字宋藝祖
時潘閻逃盧丞相難於弩箭下近世有人見之山
中蘇雲卿與張魏公善雲卿視張公公廢耳公苦

欲屈雲卿共事飄飄作冥鴻不下來而張公事竟
無成以斯知古今英雄淪落山河沉埋草莽而無
人物色者多矣要皆有數焉時遭陽九百六天命
一人起而定大亂拯生靈必有爲之毗佐者軒后
六相武丁一說皆獲之夢太公爲灌壇令龍神以
告西伯畱侯應佐漢祖則黃石老人來教之鄴侯
之相靈武則異人懶殘告焉中黃君鬼谷子之夢
已定於布衣時稚圭兩朝定策則以手捧天者再

鴻苞

卷之七

相人

七

爲兆英雄等耳而大數不屬雲臺無名則泯物爲
龍爲蛇道故委運矣雖然英雄遇則將相紀動殺
青不遇則神仙登名石室世有真人未肯以彼易
此列仙傳大茅君之所以詫二弟裴謹之所以誇
王敬伯者有致哉

皮相

非常之人非常人之所能用也彼其心包含元化其氣籠罩宇宙其才吐飲人羣高步濶視不矜細行豁達疎朗不修小名而庸人俗流動輒以局曲廉謹求之其為人固已難知而又或參以私意加以忌嫉不至於摧破之不已也從古豪傑之士仰天扼腕常悲不遇非桓公不能用管仲非勾踐不能用范蠡非漢高不能用良平非光武不能用伏

鴻苞

卷之七

七

清議

清議所以維公道名節所以厲人心然有敝焉伸節昭昭墮行冥冥匿情暗室飾詐廣庭矜虛名而略實際愛皮毛而忽性靈或立大節或持小廉凡有益於我之聲價者則為之愛物則恐嫌於紛溷託介特以為高同人則恐涉於瑕類假溪刻以矯俗門以內財貨積於丘山而不之散曰恐後貧乏而俯仰於人也門以外患難積於丘山而不之問

鴻苞

卷之七

七

曰恐人之不督而議我為有所利也養成聲望泰岱北斗而細咎其中或多敗闕焉太原氏謂新建霸儒夫新建猶然況下此者乎豫讓死智伯蔡邕死董卓用吾之心行吾之事肯捐身次捐名心之所安犯天下之不韙而不顧不韙如此其在赴義可知是乃所以為古人也

藿語上

昔成周定鼎於郊廓卜世三十年八百後享國長久卒過其曆則以文武忠厚立國所滲瀝培植國家之命脉深長也我高皇帝驅胡元羶穢之氣而復吾中國帝王世世相傳之土宇得國之正超軼漢唐廓清之功高視千古規模既已宏遠科條又復嚴密前代弊政無一不鑿戒而防閑以垂永久以故久安長治亦自剖判以來所罕見然無

鴻苞

卷之七

藿語

二十

二九三

往不復無平不陂天之道也承平既久隱憂潛伏詎止隱伏亦既形見矣此豈晏安高枕時耶人心怠肆風俗皆窳國是舛錯邊隅失策皇天示警玄象著異水旱妖災所在以聞明者睹于未形况已形顯昭灼之若是乎及其未決未潰而防患救弊烏可不亟講也降伏在田間蓬居藿食無當世之責然竊嘗叨爵秩食君祿廟廊之憂深室之慮時起伏展轉於胸中不能已已乃抒愚臆陳鄙

見著為一論名曰藿語杞人憂天誠過計也尸祝越俎良非分也然其意則足采矣

一曰識氣數夫好生者上帝德也帝心詎不欲天下千萬世又安有治無亂哉良繇太極之理不能不墮於氣數一墮於氣數則有陽必有陰有善必有惡有成必有壞有生必有死有治必有亂天下之萬物簸弄旋轉於其中不能逃焉雖曰氣數使然其實人事為之也人事得而善積和氣醞釀感

鴻苞

卷之七

藿語

二十一

三四

召天降禎祥於是乎治人事失而惡積沴氣醞釀感召天降妖孽於是乎亂人事不能常得而無失是以天下不能常治而無亂治平之久假令人事無失天下何由亂亡既已亂亡矣如有至人起而救之立躋治平以是知氣數不可諉而人事之為要也氣數將趨於亂人不知省悟而顛謬乖錯以應之雖欲不亂不可得也若有至人知天下治平之已久禍亂之將興而急急修道德立政事美風

俗淑人心動絕瑕類舉無缺失豫復隍之憂嚴衣
衽之戒天下之事日以萬全則禍亂不至而致隆
長保矣上帝之心豈謂治極而亂氣數必然不可
以人事挽回人事修於此而禍亂生於彼萬無是
理矣商太戊之世祥桑穀生於朝七日大拱不可
謂非氣數太戊修政明禮早朝晏退三日而祥桑
枯死商道復興執謂氣數之來不可以人事挽回
哉夏商之衰也則生桀紂周室之衰也則生幽厲
漢室之衰也則生桓靈晉室之衰也則生惠懷唐
室之衰也則生敬昭宋室之衰也則生徽欽而其
間又生奸臣宵人以助成之是誠氣數使然若當
時人主惕然警悟幡然省改而急修人事以挽之
喪亂未必立至也昔人云君相不言命君相所以
造命也若動輒聽命而諉之無可奈何則無爲貴
人事矣

一曰輔主德人主者四方萬國之極也譬之一身

鴻苞

卷之七

董誥

三

人主者心也四方萬國者四肢百骸也心正則四
肢百骸皆理心亂則四肢百骸皆亂此必然之理
也人主深居九重君門萬里行一善事則四方萬
國父老子弟聞之而鼓舞慶快讚頌聖明行一失
德則四方萬國父老子弟聞之而搯擊惋惜仰屋
竊歎主德無瑕朝政修舉百官奉職萬民樂業四
夷賓服雖有莽操大奸潛伏草野奸亂樂禍窺伺
覬覦而君德無失朝廷有道自足消折奸萌抑絕
非望無隙之可乘何變之敢圖盡皆老死草澤作
耕鉏租稅之良民矣如其君道多失穢德章聞忠
義腐心豪傑解體奸雄乘之而生心焉天下始有
事矣秦始皇吞六國一四海而暴虐好殺斬木揭
竿盜賊蜂起王莽盜漢鼎篡大位而克殘擾民人
心思漢敗不旋踵宋藝祖欺柴氏孤兒寡婦陰圖
密謀陳橋猝變盜取周祚此不在奸雄操莽下而
既得天下之後忠誠待人仁厚澤物閭閻赤子戴

鴻苞

卷之七

董誥

三